

23.12.2016 01:36

Skills Show Sarajevo 2016

Skills Show Sarajevo 2016 je jedinstveni događaj posvećen stručnom obrazovanju i karijernom razvoju koji se po prvi put održao 16.12.2016. godine pod pokroviteljstvom Vijeća ministara u dvorani „Mirza Delibašić“ – Skenderija Sarajevo u organizaciji British Council Sarajevo. Cilj Skills Show Sarajevo 2016 je da pomogne promociju pozitivnih praksi i inovativnih pristupa stručnom obrazovanju te da pruži podršku razmjeni iskustava između poslodavaca i stručnih škola sa područja Zapadnog Balkana i Velike Britanije. Organizatori kroz projekat su potaknuli zapošljavanje mladih kroz jačanje suradnje između poslodavaca i obrazovnih institucija te da promoviraju stručna zanimanja među osnovcima koji se odlučuju o svom budućem zanimanju. Program se sastojao od konferencije Prvo radno iskustvo koja je okupila regionalne poslodavce, predstavnike obrazovnih vlasti, međunarodne i nevladine organizacije kao i druge koji se bave radom i zapošljavanjem mladih. Prezentacije i radionice su držali više od 30 stručnjaka, nastavnika i direktora škola iz Velike Britanije, regije Zapadnog Balkana, kao i predstavnika partnerskih institucija. Oni su se fokusirali na razvoj vještina, predavanje i učenje, a sve u cilju poboljšanja kvaliteta izvođenja nastave i razvijanja poduzetničkog duha. Kroz pozitivne primjere prakse i konkretna rješenja, konferencija je doprinijela kvalitetnijoj suradnji poslodavaca, škola i obrazovnih vlasti, tj. većem zapošljavanju mladih. Pored toga, sajamski dio programa je bilo mjesto gdje su poslodavci i učenici radili zajedno i razmjenjivali iskustva. Takmičenja su bila podijeljena u četiri industrijska sektora: ljepota i zdravlje, IT i inženjerstvo, turizam i ugostiteljstvo i drvna, građevinska i metalnomašinska industrija.

Našu školu su predstavljali pedagoginja Žana Blažević i profesori Nikolina Zubac, Mario Planinić i Mario Zovko.















